

Endenquimbo, diez de diciembre, 1948, nidaid abitedinoësh matses utsi-utsiec cho-chopanêdash, onquenuec. Adec cho-choquid Naciones Unidas capec.

Choashic onquepanêdash. - Bêdamboec tabadnuna, quequin chuibanuna. Nuqui chuiboed dada uanuna. Nuqui dada uaid daêdpen nacnenshun meniac utsibo abitedishun nuqui chuiboed tantiatsiashe - quepanêdash cho-choquido. Ambi chiaid neid dada uaid nec.

Nidaid Abitedinoësh Cho-choquidon Bêdamboec Tabadte Chiaid

Utsi Chuinuen Naden chuinêdash

Adashic: - Bêdamboec tabadnuna, qesho: Ai, mimbi chiac padec tabadnuna, matses abitedimbo chuinanubi:

Mibi bêdamboec tabashobi cueschitono, quequid nibedtsiash. Cuesnanenquo matses ictsiashe. Icsauanquid chushcatsiashe. Bêdamboquid bêdamboen ispatsiashe - quequin chuipanêdash nidaid abitedinoësh cho-choquidon.

Adashic: - Enden: Bêdamboec tabadnu, qesho: Padi. Cueschitono, quequin icsamenêdaidi nêbi utsi uanuna. Naden chuinanuna. Mimbi tantiadi chuita. Utsibon chuisho tantiate bonquin tantiata. Dacuêdenquiocquin nata. Mibi cuestiapimbo iquebi - quequin chuinanuna. Adec matses utsi-utsiquetsêcquieac nuquibi bêdamboec tabadtsiashe - quequin chuipanêdash nidaid abitedinoësh cho-choquidon.

Adashic: - Bêdamboec tabadnuna, quequin neid chiaid isun chuiquid dapan: Ai, bêdamboen chiacpadec tabadnuna, aton matses chiac bêdambo ictsiashe. Aid chuiquid dapa caic: Icsambo iqueque. Cuesunechitono, utsibon cac icsambo ictsiashe - quequin chuipanêdash nidaid abitedinoësh cho-choquidon.

Adashic: - Nuquibi bêdambo iquec, cananuna - quequin chuipanêdash nidaid abitedinoësh cho-choquidon.

Adashic: - Bêdamboec tabadnuna, quequin chiac bêdambo ictsiashe. Matses abitedimbo bêdambo iquec. Dada bêdambo iquec. Chido bêdambo iquec. Bacuêbo bêdambo iquec, quequin chiac bêdambo ictsiashe. Padi.

Mimbi chiac padomboen bêdamboen nainda. Cueschitono quequid chieshêmênquid icsambo ictsiashe. Adquid nibêdnubi matses abitedi dada uaquin mêquiacac bêdambo ictsiashe. Adembidî dauê menebanac bêdambo ictsiashe. Adecbidî piasenquo yec bêdamboec tabadac bêdambo ictsiashe - quequin chuipanêdash nidaid abitedinoësh cho-choquidon.

Adashic: - Nêmbo cho-choquidotedi aton nidaidên nishun aton matses nuqui chiondaid chuituidac: Ai, mimbi chiacpadec bêdamboec tabadnuna, quequin chiac bêdambo ictsiashe - quequin chuipanêdash nidaid abitedinoësh cho-choquidon.

Adashic: - Nuqui chuiboed matses abitedimbo tantiamiac bêdambo ictsiashe - quepanêdash. Aidedba chuipanêdash.

Nuqui Chuiboed Bêdambo Iquec, Quiash

Nidaid abitedinoësh cho-choquido: - Nuqui chuiboed matses abitedimbo tantiamenuna. Tantiamiac chuiquid dapabon: Ai, adec bêdamboec tabadcuenua, cac bêdambo ictsiashe. Bêdamboec tabadcuenua, cacpadec matses abitedi bêdamboec tabadac bêdambo ictsiashe - quequin chuipanêdash nidaid abitedinoësh cho-choquidon.

Chiaid 1

Chidon tishaido yec matses abitedimbo bêdamboec isanac bêdambo ictsiashe. Chieshnanac icsambo ictsiashe. Abitedimbo bêdamboec tabadac bêdambo ictsiashe. Shubu abentsêcquidên tabadac birnboec abitedi tabadac bêdambo ictsiashe - quequin chuipanêdash nidaid abitedinoësh cho-choquidon.

Chiaid 2.

Nêid dada uaid isash abitedi bêdamboec isanac bêdambo ictsiashe. Êbi padquid con matesuidsêqui bêdambo iquec. Matses utsibo icsarnbo iquec, quenquo yec: Con matses bêdambo icnuc utsibotsen bêdambo iquec, cac bêdambo ictsiashe. Adernbidî: Embentsêqui bêdamboen tantiembi. Utsibo abitedishun icsamboen tantiec, quenquoêquin:

Chieshênquiocquin ma ambi tantiadi napanu cac bêdambo ictsiashe. Chidobi bêdamboen istiapimbo iquebi, quenquiocquin chidotsen bêdamboen isac bêdambo ictsiashe. Chuiquid dapambi nêid chiaid niacbidanquin aton matses chieshênac icsambo ictsiashe - quequin chuipanêdash nidaid abitedinoësh cho-choquidon.

Chiaid 3.

Matses utsibo yuainquo yec, cuesnanenquo yec quec bêdamboec tabadnuna, cac bêdambo ictsiashe - quequin chuipanêdash nidaid abitedinoësh cho-choquidon.

Chiaid 4.

Matses utsibo min matesebêta yuainquiocquid. Yuac icsambo ictsiashe. Adembidî matses utsibo min matesebêta beshun yuamequin menenquiocquid. Yuamenun meniac icsambo ictsiashe - quequin chuipanêdash nidaid abitedinoësh cho-choquidon.

Chiaid 5.

Matsespenquo yachimboecnuc aton matses bēta matses utsibo icsauainquicquid. Icsauac icsambo ictsiash - quequin chuipanēdash nidaid abitedinoēsh cho-choquidon.

Chiaid 6.

Atoda nidaidēn nidaesho anocquidon: Con matses chuiquid dapan chiaid ley caid nata. Niacbidansho juez caidēn ēbi yac padomboembidi cuidtsiash, cac bēdambo ictsiash - quequin chuipanēdash nidaid abitedinoēsh cho-choquidon.

Chiaid 7.

??Mitsicquid nidaidēn tabadquid nec? Aton nidaidēn tabadquido chuiquid dapan chiaid ley caid abitedishun nac bēdambo ictsiash. Aidēn chiaid niacbidansho juez caidēn cuidac bēdambo ictsiash. Nēid chiaid niacbidanquin matses utsi caic: Matsespenquo mibi nec. Mibi bēdamboen istiapimbo iquebique. Mēyanu, quequin ambembi nac icsambo ictsiash. Cuidte chuiquid juez caidēn matses abitedimbo: Mibi matses nec. Con matses nacpadomboembidi mibi naimbi, cac bēdambo ictsiash - quequin chuipanēdash nidaid abitedinoēsh cho-choquidon.

Chiaid 8.

??Midacquid matses nepec? Aton nidaidēn tabadquido chuiquid dapabon chiaid nac bēdambo ictsiash. Aid chiaid niacbidanquin utsibo icsauasho isun juez caidēn bemeshun cuidac bēdambo ictsiash - quequin chuipanēdash nidaid abitedinoēsh cho-choquidon.

Chiaid 9.

Nēid chiaid niacbidanquin ambembi matses quēne uac icsambo ictsiash. Adembbidi ambembi chieshēnquin matses aton nidaidēnshun cuemiac icsambo ictsiash - quequin chuipanēdash nidaid abitedinoēsh cho-choquidon.

Chiaid 10.

Chuiquid dapabon chiaid ley caid niacbidanosh. Icsaosh, caid beshun juez caid yacno buanquin. Anoshombi matses daēdpenshun isnuc juez caidēn chieshēnenquicquidin chuimequin. ??Atotsi nao? quequin chuimequin. Ashumbi aid isquidtsen chuimequin. Adoshombic: Abimbo caosh. Icsaosh, qeshun cuidquin. Icsabichobi: Icsabi iqueque. Cuidtiapimbo iquebi. Ma nidnu, cac bēdambo ictsiash. Cuidte chuiquid juez caidēn chieshēnenquicquidin abimbo cac bēdambo ictsiash - quequin chuipanēdash nidaid abitedinoēsh cho-choquidon.

Chiaid 11.

Chuiquid dapabon chiaid ley caid niacbidanosh. Icsaosh, caid beshun cuidte chuiquid juez caidēn uesquin chuimiabi badedi: Mibi icsaque. Mibi cuidnu, cac icsambo ictsiash. Chata. Utsibon tantianubi chuimiabi icquin: Icsambo iquec, catiapimbo iquebi. Chuimebono, juezēn cac bēdambo ictsiash.

Chuiquid dapabon chiaid ley caid niacbidanacsho juez caidēn chuimeshun cuidac bēdambo ictsiash. Chuiquid dapabon: Aden naic icsambo ictsiash. Adoquid naden cuidquid, quequin chiacmaid nacsho: Icsambo iqueque. Cuidnu, cac icsambo ictsiash. Aidon chiaid niacabiesho cuidac icsambo ictsiash - quequin chuipanēdash nidaid abitedinoēsh cho-choquidon.

Chiaid 12.

Nidaid utsin-utsinquetsēcquieccquidēn chuiquid dapabon: Nadquid icsambo iqueque. Cuidnu cac bēdambo ictsiash. Nēidic: Mimbi tantiaidī nainda. Embi chiac padomboenuidtsēqui nata, quec chieshēmēnquid. Nēidic: Min nabobēdi bēdamboec tabadenda, quec chieshanquieccquid. Nēidic: Ambi tantiaidēn iste dada uaid isnushe. Beshun secanuna, quequin dada uaido beshumēnquid. Aidedt icsambo iquec, quequin chuiquid dapabon chiac bēdambo ictsiash - quequin chuipanēdash nidaid abitedinoēsh cho-choquidon.

Chiaid 13.

Nidaid utsin-utsinquetsēcquieccquidēn chuiquid dapabon nadoac bēdambo ictsiash. Nēid nidaidēn tabadquid: Capucuenenu, qesho tantiaishun: Ai, capucueneta, cac bēdambo ictsiash. Adembbidi: Shubu utsin manēdnu, qesho: Ai manēdta, cac bēdambo ictsiash, quequin chiac bēdambo ictsiash.

Nadembidi chiac bēdambo ictsiash. Nēid nidaidēnoēsh nidendabi, qesho, Ai, nidta, cac bēdambo ictsiash. Nidenda. Cueschitono, shēpi, cac icsambo ictsiash. Padnuen: Nēid nidaidēn choaindabi, qesho, Ai, chota, cac bēdambo ictsiash. Padnuen: Choenda. Cueschitono, cac icsambo ictsiash - quequin chuipanēdash nidaid abitedinoēsh cho-choquidon.

Chiaid 14.

Nidaid utsino cuenash: Con nidaidēn tabadquidēn ambembi chiesēnac cuenobique. Min nidaidēn tabadnu, qesho: Ai, nēmbobi quenenta, cac bēdambo ictsiash.

Padnuen aton matses chuiquid dapabon ley chiaid niacbidanec: Cuidnushe, quianec nidaid utsin cuensho: Ai, nēmbo quenenta, cac icsambo ictsiash. Adembbidi ēmbi chuiboed niacbidanec: Cuidnushe, quianec nidaid utsin cuensho: Ai, nēmbo quenenta, cac icsambo ictsiash - quequin chuipanēdash nidaid abitedinoēsh cho-choquidon.

Chiaid 15.

Acte amē ēquē cuēma utsiuc tabadquid: Peruano nebi, qesho Peru yacnocquid ēhuiquid dapan: Ai, Peruano mibi nec, cac bēdambo ictsiash. Padnuen acte amē oquē cuēma utsiucquid: Brasilero nebi, qesho

Brasil yacnocquid chuiquid dapan: Ai, Brasileiro mibi nec, cac bēdambo ictsiaash. Padnuen nidaid utsin tabadquid: Nēid nidaidēn icquidquo nebi, qesho: Ai, adquid mibi nec, cac bēdambo ictsiaash.

Aton nidaidēn tabadquid: Nēid nidaidēn icquid mibi catiapimbo iquebi. Con matses mibi cainqujo iquembi, ambembi cac icsambo ictsiaash. Padnuen aton nidaidēn tabadquid: Nēid nidaidēn icquid icboedi nēbi nidaid utsin manēdash aid nidaidēn icquid yanebi, qesho ambembi chieshēnquin: Padi. Aid nidaidēn icquid mibi catiapimbo iquebi, cac icsambo ictsiaash - quequin chuipanēdash nidaid abitedinoēsh cho-choquidon.

Chiaid 16.

Ashumbic padpiden: - Dada caniaidi: Con bacuē tishmenuen con matsesēn champi bednu, qesho: Ai, adota, cac bēdambo ictsiaash. Caniaid utsibi: Con bacuē tishmenuen matses utsin champi bednu, qesho: Ai, adota, cac bēdambo ictsiaash. Padnuen chido caniaid: Con bacuē tishnuen con matses bedmenu, qesho: Ai, adota, cac bēdambo ictsiaash. Chido canjaid utsibi: Con bacuē tishnuen matses utsibi bedmenu, qesho: Ai, adota, cac bēdambo ictsiaash. Dadabi: Con chidobēdi bēdamboec tabadnu, qesho: Ai, adta, cac bēdambo ictsiaash. Chidobi: Con bēnēbēdi bēdamboec tabadnu, qesho: Ai, adta, cac bēdambo ictsiaash. Chido aton bēnēn yuapenquo nec. Dadabi: Embi con chido caboedi icsasho isun con chidopenquo canu, qesho, Ai, adota, cac bēdambo ictsiaash. Chidobi: Embi con bēnē caboedēn chieshēnoshi. Aidi nianu, qesho, Ai, adota, cac bēdambo ictsiaash.

Nidaid utsin-utsinquetsēcquieccquidēn chuiquid dapabon: Dadabi: Aton bēnē ictiapimbo iquebi, qesho bedmenda. Adecbidi chidobi: Aton chido ictiapimbo iquebi, qesho bedmenda. Padnuen dadan: Mibi bednu, cac: Ai, ēbi bed, cac bēdambo ictsiaash.

Nidaid utsin-utsinquetsēcquieccquidēn chuiquid dapabon: Dada aton nabobēdi bēdamboec tabasho isash: Bēdambo iquec, cac bēdambo ictsiaash. Chieshēmēnquidēn aton chido beshunac icsambo ictsiaash. Adembidi aton bacuēbo beshunac icsambo ictsiaash. Adoquid cuidnuna, quequin chiac bēdambo ictsiaash - quequin chuipanēdash nidaid abitedinoēsh cho-choquidon.

Chiaid 17.

Nidaid utsin-utsinquetsēcquieccquidēn chuiquid dapabon: Ampiabiqquid: Con nabi nec, qesho: Ai, mitsa na nec, cac bēdambo ictsiaash. Adembidi: Utsin nabēdi con na nec, qesho: Ai utsin nabēd mitsa na nec, cac bēdambo ictsiaash.

Adashic: Ancanquidēn utsin na beshunac icsambo iquec. Adembidi utsin na ampiac icsambo iquec, quequin chiac bēdambo ictiaash - quequin chuipanēdash nidaid abitedinoēsh cho-choquidon.

Chiaid 18.

Nidaid utsin-utsinquetsēcquieccquidēn chuiquid dapabon: Nēmbocquid: Aden tantiembi, qesho: Aden tantiaasho mibi cuesunechitono, shēpi, cac icsambo ictsiaash. Utsibi: Matses uaquid abentsēqui Nuquin Papa iquec, qesho: Adquid cuesunechitono, shēpi, cac icsambo ictsiaash. Utsibi: Nuquin Papa caid nibēdec, qesho: Adquid cuesunechitono, shēpi, cac icsambo ictsiaash. Utsibi: Podobitsi daēdpēn tantiaquidquo nebi, qesho: Adquid cuesunechitono, shēpi, cac icsambo ictsiaash. Padnuen: Podobitsi daēdpēn tantiaquid icboedēmbi nēbi utsi uaimbi. Nēbi Nuquin Papa tantiaquid nebi, qesho: Adquid cuesunechitono, shēpi, cac icsambo ictsiaash. Utsibi: Embi Nuquin Papa caid tantianuec shubun puduedash tabadcuedednu, qesho: Padi, cuesun secachitono, cac icsambo ictsiaash. Utsibi: Embi Nuquin Papa caid tantianuec abentsēqui tsadnu, qesho: Padi. Cuesunechitono, cac icsambo ictsiaash. Padnuen: Embi Nuquin Papa caid utsibo chuibanu, qesho: Asho mibi cuesunechitono, cac icsambo ictsiaash. Utsibi: Embi Nuquin Papa caid tantianuen nanu, qesho: shēpi cac icsambo ictsiaash, quequin chiac bēdambo ictsiaash - quequin chuipanēdash nidaid abitedinoēsh cho-choquidon.

Chiaid 19.

Nidaid utsinutsinquetsēcquieccquidēn chuiquid dapabon: Matsesēn ambibi tantiaid chuisho: Chuisho cueschitono, shēpi. Chēn, cac icsambo ictsiaash. Utsibi: Utsin chuisho tantiatanu, qesho: Nisho isun mibi cuesunechitono, shēpi. Chēn, cac icsambo ictsiaash. Padnuen: Maquinian onquequins utsibo chuibanu, qesho: Chēn. Cuidchitono, cac icsambo ictsiaash. Utsibon iste dada uanu, qesho: Chēn. Dada uainda, cac icsambo ictsiaash. Nidaid utsin tabadquid chuinu, qesho: Chēn. Anocquido chienda, cac icsambo ictsiaash, quequin chiac bēdambo ictsiaash - quequin chuipanēdash nidaid abitedinoēsh cho-choquidon.

Chiaid 20

Nidaid utsin-utsinquetsēcquieccquidēn chuiquid dapabon: Con nidaidēn tabadquid: Aidobēdi bēdamboec tabadnu, qesho: Ai, adta, cac bēdambo ictsiaash. Adembidi: Shubun tsaduedash bēdamboec onquecuedednu, qesho: Chēn. Cuidchitono, cac icsambo ictsiaash.

Adashic: Utsibi: Aden tantiaquidobēd tabadtapiambo iquebi, qesho: Baded cho. Choenuquiesho cuidchitono, cac icsambo ictsiaash, quequin chiac bēdambo ictsiaash, - quequin chuipanēdash nidaid abitedinoēsh cho-choquidon.

Chiaid 21.

Nidaid utsin-utsinquetsēcquieccquidēn chuiquid dapabon: Miqui chuiquid ictiadquio iquebi, qesho aton matsesēn: Ai, ēbi chuiquid icta, casho utsibo daēdpatsēcshun: Padi, cuesunechitono, shēpi, cac icsambo ictsiaash. Padnuen: Miqui chuiquid ictiadquio iquebi, qesho aton matsesēn: Padi caqui chieshēnquin: Padi, caquido cuesun secachitono cac icsambo ictsiaash.

Chuiquid dapabon: Nuquin matses abitedi nashununa. Aton podquedēn uaquinc, aton dauēchoquid imequinc, aton dada uaid ismequid imequinc canuna, cac bēdambo ictsiaash.

Matses daēdpēnshun: Embi chuiquid icta, cac aidi chuiquid icmiac bēdambo ictsiaash Padabi yac icsambo ictsiaash. Utsibombi: Aidi chuiquid bēdambo ictsiaash, quequin utsibo ismenquieccquid aid cuēmēdquid dada uashun sandoquin. Adoshombi matses abitedishun ambi tantiaid dada uatanquin sandoacsho sandoaid beshun tambanquin. Adoshombic: Mibi cuēmēdquid matses daēdpēnshun dada uaque. E'bi chuiquid

icta, cain. Padnubi matses utsibon aton matsesēn nac padomboen chuiquid dapa icmequin. Adoac bēdambo ictsias - quequin chuipanēdash nidaid abitedinoēsh cho-choquidon.

Chiaid 22.

Chiaid 22.

Matses abitedi bēdamboec tabadac bēdambo ictsias. Piasenquo yec dacuēdenquo yec tabadac bēdambo ictsias. Nēid nidaidēn icquido chuiquido nidaid utsin icquidobētan chuiquin: Matses utsi-utsiec

abitedimbo bēdambo iquec. Aton piucquid bedmenuna. Bēdamboec tabadmenuna. Min matsesi bēdamboen istiapimbo iquebi, cainquo icnuna, cac bēdambo ictsias - quequin chuipanēdash nidaid

abitedinoēsh cho-choquidon.

Chiaid 23.

Chiaid 23.

Nidaid utsinquetsēcquieccuidēn chuiquid dapabon: Nuquin nidaidēn tabadquido: Chuiquid dapan chiaid ley caid niacbidanenquiocquin piucquid bednuen naimbi, qesho: Ai, adota, cac bēdambo ictsias.

Padnuen piucquid bednuen nashunaidon: Chata. Tiboeta. Miqui mēyadeque, abi nashunquido cac bēdambo ictsias. Chonoaoanquidquo icsambo ictsias. Utsibi: Piucquid benuen naimbi, cac: Naic cho,

caquid nibēdsho isun chuiquid dapan: Nanu, cauidquido piucquid meniac bēdambo ictsias.

Padnuen: Naic cho, cac daēdpn chonoadacsho piucquid menequin. Chonoadquido abitedishun tauac padquido aidtedishun nainacsho piucquid ated-atedbidi menebaniaac bēdambo ictsias.

Ma aton nabo pemequinc, dasiinquinc, shubu uaquinc canu, quequin chieshenquiocquin chonoadquid piucquid daēdpn meniac bēdambo ictsias. Piucquid daēdpatsēc meniac aton nabo pistsēc pemequinc,

disiunenquiocquinc, shubu uatsēcquinc cac icsambo ictsias. Adece icsamboesho isun chuiquid dapan: Piucquid menenuna, cac bēdambo ictsias.

Chonoadquido: Ebi chonoadac padec chonoadquidobēd onquecuedenuna. Ēbi chonoaoaquidon piucquid daēdpatsēc menesho chushcanuna, qesho: Chēn. Onquecuedendenda. Cuidchitono, cac icsambo

ictsias. Ai, miqui chiac padota, cac bēdambo ictsias - quequin chuipanēdash nidaid abi tedinoēsh cho-choquidon.

Chiaid 24.

Chiaid 24.

Tibocamianenquiocquin chonoaoanquiaac icsambo ictsias. Padnuen: Padi. Nēbadiadash tiboenuna, cac bēdambo ictsias. Dia ēeriado caidēn matses abitedi tiboequid. Asho Chonoaoaquidēn dia ēeriado caic:

Aid ushēmbi chonoadacimboecnuc adted piucquid menenu, cac bēdambo ictsias - quequin chuipanēdash nidaid abitedinoēsh cho-choquidon.

Chiaid 25.

Chiaid 25.

Aton pete icnuc, aton dashcute icnuc, aton shubu icnuc, aton dauē icnuc aton nabobēdi matses bēdamboec tabadtsias. Adac bēdambo ictsias. Utsibi chonoadiapimbo icquin aton piucquid bedtiapimbo yec

bēdamboec tabadiapimbo iquec. Nēidtedi matses chonoadiapimbocquido nec. Nēidic Naid cho, cacmaido. Nēidic dada icsatsaido. Nēidic niantebo. Nēidic tsusiompibo. Nēidic machompibo. Aidtedi

chonoadiapimbocsho isun chuiquid dapan aton piucquid meniac bēdambo ictsias.

Ani aton bacuēbobēd tabadquido bēdamboen isquin bēdamboen dayun uac bēdambo ictsias. Bēnēn tishmiaido bacuēbo bēdamboen isquinc abembi uaidēn tishaidotsen bēdamboen isquinc cac bēdambo

ictsias - quequin chuipanēdash nidaid abitedinoēsh cho-choquidon.

Chiaid 26.

Chiaid 26.

Nidaid utsin-utsinquetsēcquieccuidēn chuiquid dapabon: Con matses dada uate shubun puduedash mēquiadnu, qesho: Ai, adta, cac bēdambo ictsias. Taēyec mēquiadquid dada uate shubun puduedacsho:

E'~mibi mibi mēquiaesho ēbi piucquid mene, cac icsambo ictsias. Yuecash mēquiadquidēn mēquiacquid piucquiud meniac bēdambo ictsias. Bacuēbo abitedi dada uaquin mēquiacnuna, cac bēdambo ictsias.

Dada uaic bēdamboec mēquiadash: Dada uaid daēdpnquo tantiatiaquio iquebi. Dada uate shubu utsin puduednu, qesho: Ai, adta, cac bēdambo ictsias. Utsibi nacnenec mēquiadash: Nacnenquidēnquo

ismesho istanu, qesho: Ai, adota, cac bēdambo ictsias.

Dada uate shubun puduedshun mēquiacquidon: Matses utsi-utsinquetsēcquiecc iquec. Abitedimbo bēdambo iquec. Utsibo abitedi bēdamboen isnuna. Chieshnanenquo yec cuesun secananenquo icnuna. Adece

bēdamboec tabadnuna - quequin mēquiadquido bēdamboen chiac bēdambo ictsias.

Amēbētan anin: Nēid dada uate shubunoshon ~ēquiacquidēn ēmbi tantiaidbidi chioshe. Ambo con bacuēbo yuednu, qesho: Ai mimb chiac padota, cac bēdambo ictsias - quequin chuipanēdash nidaid

abitedinoēsh cho-choquidon.

Chiaid 27.

Chiaid 27.

Con matses cuēdēnacno istanu, qesho: Ai, mimb chiac padota, cac bēdambo ictsias. Utsibi: Con matses mamēnacno istanu, qesho: Chēn. Cuidchitono, cac icsambo ictsias. Utsibi: Con matsesēn

nacnenaid istanu, qesho: Ai, adotanta, cac bēdambo ictsias. Utsibi: Con matsesēn nacnenaid bednu, qesho: Chēn, mibipadquid bedmetiapimbo iquebique, cac icsambo ictsias.

Dada uaquido nacnenquidobēta bēdamboen isac bēdambo ictsias. Utsibombi ambi tantiaid dada uaquid. Utsibombi ambi tantiaid nacnenquid. Adoquidon: Embi nacnenaid bednuen ēbi piucquid mene, qesho

bedquin piucquid meniac bēdambo ictsias. Padnuen utsin dada uaidi caic muaquido: Embimbo dada uaid nec, qesho chuiquidēn cuidac bēdambo ictsias. Muaquid utsibi: Embibo nacnenaid nec, qesho

adembidi chuiquidēn cuidac bēdambo ictsias - quequin chuipanēdash nidaid abitedinoēsh cho-choquidon.

Chiaid 28.

Nidaid abichobi icquidēn tabadquido chieshnanenquo yec bēdamboec tabadac bēdambo ictsiash. Matses aton matses utsibobēdi chieshnanac icsambo ictsiash. - quequin chuipanēdash nidaid abitedinoēsh cho-choquidon.

Chiaid 29.

Nidaid utsin-utsinquetsēcquiequidēn chuiquid dapabon: Min shubu yacno bēdamboec tabadtiaquio yec bēdamboec nashunanta, cac bēdambo ictsiash.

Chuiquid dapabon aton matses bēdamboec tabadte bonquin chiaid aton matsesēn nac bēdambo ictsiash. Chuiquid dapabon aton matses mēyante bonquin chiaid aton matsesēn niacacsho cuidac icsambo ictsiash.

Embi chuiboed isun: Bēdamboec tabadnuna, cac bēdambo ictsiash. Padnuen ėmbi chuiboed ismeshun: Embi naiduidi nanu, shēpi, cac icsambo ictsiash - quequin chuipanēdash nidaid abitedinoēsh cho-choquidon.

Chiaid 30.

Nēid dada uaid isash, Icsa uanquionona, cac icsambo ictsiash. Padnuen nēid dada uaid isun, Nidaid abichobi icquidēn tabadquidobēdi bēdamboec isanec bēdamboec tabadnuna, cac bēdambo ictsiash - quequin chuipanēdash nidaid abitedinoēsh cho-choquidon.